

四庫全書

集部

欽定四庫全書

集部

華陽集卷

六三
十

詳校官庶吉士臣瑚圖禮

主事臣呂雲棟覆勘

總校官編修臣王燕緒

校對官主事臣陳文樞

謄錄監生臣宋學濂

欽定四庫全書

華陽集卷六

宋 張綱 撰

外制

李亦改官

爾由疎遠上封自言公車以聞遂獲召對亦可謂遇矣
觀其論奏志有足嘉命改厥官庸示殊寵夫為士者非
馳騁進取之難立而無令名之患往服朕訓無怠爾修

張榮轉遥郡觀察使

凡賞無常眡功輕重蔽在盟府用以勸能具官某奮不顧身忠于衛上淮壩之後扞禦有聞俾守海陵敵莫敢犯於是民得按堵而鹽筴之利久廢復興肆疇厥功爵應加等宜錫廉車之寵庶昭戎壘之榮往其欽承勉思報効

宋輝落職

朕駐驛臨安視同天府浩穰之治付厥守臣爾以非材嘗見屬任獄市所寄觀望為姦始則便文自營卒使刑

放於寵事雖既往公議弗容論誤之華豈應冒處其從
鷄奪聊戒後來服我寬恩毋忘省咎

唐輝除諫議大夫

朕惟一事之失圖功弗終一行之虧視德有愧肆用廣
開公正之路敷求謇諤之臣蓋欲亟聞讜言磨切左右
所以成大功全盛德實有賴焉而况官為正諫表率在
列位高責重可非其人具官某德蘊純明器凝端粹率
義不爽蹈古人之規遇事敢為見仁者之勇數任言責

咸有能稱入直螭坳旋升綸閣雖詞章每多於潤色而
鯁亮不廢於論思有嘉造膝之忠曾是伏蒲之舊粵從
回禁還冠七人昔柳公權論事不阿風采可尚遂由內
史屈居是官朕稽前言亦以命爾往服乃事思勉厥勤
陳古誼以啟迪朕心酌民言而規正國論期補大化勿
崇虛名

辛炳除御史中丞

唐文宗有言御史臺朝廷綱紀一臺正則朝廷治朝廷

正則天下治國家自祖宗以來闕大夫不置而中執法
實表率其屬以殫治不屈為職迺者簡拔忠良布在言
路而臺無長官朕甚憇焉推擇其人宜以次舉具官某
廉清有守秉高世之資諒直不回勵古人之操辭榮求
志達于聽聞召還周行任以言責載觀論奏之實益信
風節之彊排姦擊邪百吏震竦國之司直惟爾有焉往
由雜端進居獨坐雖斷自朕志而考於公論蓋無愧矣
夫以道制法所以處天下之事為官擇人所以行天下

之法事有弗當於理人有弗協於極皆汝責也其服朕
命益懋乃心具陳治國之謀毋負敢言之地是謂稱職
則予汝嘉

徐彥忠轉遙郡刺史

往歲虜騎控弦瞰吾江澣爾以偏將鼓行先登逐北渡
淮第功居最有司謂爾賞應馳恩顧方勸能豈限常制
遙兼刺舉之號優示寵榮其勉厥勤用圖報稱

胡世將除徽猷閣直學士知洪州兼安撫制置

使

方面之權朝廷外屏惟豫章古郡實居上游襟帶湖湘
控引閩粵爰自艱難以來盜賊間起瘡痍吾民故選建
牧守常重於他鎮非夫恩威並濟知大體可畏信者難
以屬其任具官某疏通練達文雅自將早被簡求登於
禁近朕固知其有折衝禦侮之略有牧人御衆之材京
口大藩試以帥事曾未期月果有能名比方召復周行
俾貳司寇而江表重寄念非卿無可付者是用升華延

閣以寵其行夫一路十州兵民大政得專制焉蓋休戚之所繫也卿其考古忠信之長慈惠之師以撫安茲土亦使夫令修於庭戶數月之間而人自得於湖山千里之外毋愧前哲則予汝嘉

侯延慶除起居舍人

昔倚相能讀三墳五典八索九丘楚王以為良史朕數求時髦俾記言動亦惟博極羣書義類通貫然後責其任職以爾儒學之英奮由庠序粹然論議縉紳多之頃

嘗擢自郎曹固已直入螭陛一從外補數更除書考之
僉言宜還舊物夫載筆之任重矣隱善諱惡則失之誣
因淺仍俗則失之陋爾宜勉焉毋流於二者之失予惟
汝嘉

韓京轉左武大夫

朕方整軍經武立國之威凡厥有功必加褒賞具官某
夙推將略雅得士心盜擾吾民斬獲底定戰多來上深
用歎嘉俾進一官庸示勸獎往服休命益圖爾勤

姚舜明復舊官

朕記功忘過不遺疏遠之臣而况出入禁近為吾法從者乎具官某蚤以才猷屢更器使六卿之亞蔚有譽言頃由外官嘗坐微累閱時既久宜見杖拭悉還舊秩用昭新恩往其欽承益思懋勉

陳昌禹除待制知靜江府

朕惟屏翰之重不可屬非其人矧吾桂管要衝控帶西南之地兵民所寄謀帥尤難非夫術略威權見於已試

不在茲選具官某忠勤自勵風力有聞簡於公朝屢更
煩使比嘗付之郡政究其施設之方治有能名遠近信
服是用嘉其顯效畀茲巨藩升華次對之聯增重中權
之任朕方以安民為武耀德為威往體至懷毋求奇功
以煩憂顧

杜湛除遙郡團練使江西兵馬鈐轄

朕設勇爵以待天下勞能之士蓋欲激昂惰氣協成武
功以爾沉鷲有謀忠力自奮習於行陣屢上戰多不有

寵榮人罔攸勸其升舊秩往主戎團祇服茂恩尚圖報
稱

王似除資政殿學士川陝宣撫使

中原大勢實依秦蜀之雄元帥撫封用作藩籬之固眷
求說禮觀詩之士就付折衝綏遠之謀宜錫贊書以昭
宿望具官某直方而不撓篤實而有容雅高拯溺之材
遡大川而必濟見謂剗煩之手投利刃以皆虛屬此艱
難之時備更中外之任純誠彌篤丕績具昭簡在深衷

可膺重寄顧西南之外屏壯形勝於本朝師徒久勞疆
場多事雖戎律已勤於妙算而軍容未正於中權載詢
僉言肆時改命陟隆名于秘殿總大柄于師干是為圖任
之公勉赴功名之會予欲尊主威而強國爾則撫御於
全師予欲禦外侮以息民爾則布宣於威令祇服明訓
益勵遠猷

盧法原除端明殿學士川陝宣撫副使

當險阻艱難之時慮莫先於謀帥得詩書禮樂之士庶

相協以圖功矧累朝之舊臣副一方之重寄宜加異數以撫成師具官某志在古人名顯當世徧儀侍從堂堂人物之英備罄猷為蹇蹇王臣之節肆予圖任屬此老成會興秦蜀之兵俾貳軍師之政竒謀碩畫自能暗合于孫吳禦侮伐謀尚何遠想於頗牧顧今方隅之未靖况復屯戍之久勤盍加寵於使權庶增重於戎律爰錫贊書之命亟升秘殿之華斷自朕心克符公論四郊多壘念方軫於至懷千里折衝其勉攄於遠略

胡寅除起居郎

左右置史進聯二省之華言動必書用紀一時之實求
稱厥職可非其人以爾學博而文才敏以達有志當世
發聞自初嘗妙簡於公朝繼入躋於清貫論議不屈氣
節可嘉茲用擢於州符付之史筆時惟舊物用觀已試
之能往服新恩尚勉方來之效

王居正除太常少卿

舜命百夷典禮后夔典樂各能其官以名後世今國家

以奉常一司兼此二事而欲責其任職茲惟艱哉惟爾少以美才輔之篤學頃由簡拔入侍於螭坳欲究設施旋分於符竹踐更既久中外具宜顧茲列卿亦爾舊物其往為朕討論前代之制作緒正今日之缺遺使夫聲名文物之華燦然復舉庶幾朝覲會同之節將有可觀朕志所期申命惟允

劉錫復捧日天武四廂都指揮使明州觀察使

權主管殿前司公事

儼周廬而列衛勢克壯於宸居提尺籍以申威權莫專
於環尹厥惟要地宜付偉材具官某慷慨而喜竒謀沉
勇而多大節撫臧宮之鳴劔夙有志於功名得黃石之
遺編信獨傳於韜略起自將種進超武階時屬艱危任
當繁劇佩邊城之印孤軍屢抗於凶殘分帥閫之權諸
將敢違於紀律既錫廉車之寵旋膺部督之雄輟統衛
於親兵俾奮揚於西土偶坐微累頗鑄要官雖歷時未
久於廢閒豈一青遂忘於委任盡還故秩庸示新恩攝

扈巖廊董司禁旅以重爪牙之寄以昭心膂之親匪惟爾私實允公議入王宮而假寐無忘大亮之忠冀虎賁之得人尚謹周公之戒

關師古除熙河蘭廓路安撫制置使馬步軍總

管依前統制熙秦兩路軍馬專一招撫熙秦

朕惟王者圖回大業綏靖邊隅亦惟四方梟俊之臣能任一時軍旅之事故得折衝禦侮坐有成功矧今西土未寧地居四戰選將任職可非其人具官某沉鷲而通

明銳以果總戎知變得真將軍之風却敵無前見烈丈
夫之勇一自拔於遠服統臨將士被堅執銳率為衆先
威名既昭人用信服今朕擢爾安熙河之民以提節制
之任仍兼舊職圖功允終夫兵勢無常雖貴乎必勝之
將而安民為武尤急於招携之謀往服訓言毋忘報効

楊應誠除樞密副都承旨

宥密之司整軍經武之制在焉方時多虞任責尤重孰
能為朕周旋其間奉承詔旨雖在副介固不擇人具官

某明智有餘深達世務氣節慷慨老而不衰自昔寵分
州符遠持使節頗能推其素所蓄積見於設施譽者翕
然達子聞聽比既起從祠館表率上閤猶以九儀朝覲
之事用違所長更錫贊書擢茲要地夫樞機所繫萬里
折衝不密害成古人深戒往慎厥職毋忘訓言

趙需除吏部郎官

朕以時方艱虞吏員增溢未能遽損思得通敏詳練之
士主吾選法庶幾衡綜有序而偽冒者不得進則官曹

流弊不革自清以爾學世其家克自奮勵施于有政譽
言甚休是用擢於典祠俾列天官之屬進必以叙益試
爾能往祇厥官嗣有褒寵

呂本中除祠部郎官

朕方舉羣策以收中興之功顧天下士有一善可取猶
將簡拔任用而况已試之才朕所知者乎以爾富於藝
文能嗣家世考其事業譽在郎曹今典祠缺員肆以命
爾夫冰廳素號無事固有餘力足以講論古今往其勉

之以待上用

劉一正除祠部郎官

腦詞以爾行義文詞縉紳推仰蚤膺器使入直螭坳嘉
同前以爾行義文詞縉紳推仰蚤膺器使入直螭坳嘉
其久即退閒益自堅于氣節肆以即選還寘本朝朕之
用人不以官職崇卑而為輕重往祇厥服以茂遠圖嗣
有褒遷毋虛朕意

舒清國除直龍圖閣與郡

西清五閣祖宗謨訓在焉寓直其間寔為儒者之寵爾

頃由郎省擢備史官既致人言宜從外補念其載筆之
久昇以河圖之名往作藩屏尚思報稱

華陽集卷六

欽定四庫全書

華陽集卷七

宋 張綱 撰

外制

汪藻轉一官

朕於名器不以假人惟時賞勞則靡所愛故雖嚴近之列有應功令猶加褒錄蓋所以勸也具官某以文章得名而能達當世之務以氣節自勵而不忘憂國之心厭直承明往臨藩翰政平訟理百姓和樂有西京循吏之

風比以軍儲闕供下郡國平價以糴而能悉意奉公承
詔趣辦朕甚嘉焉其進一官以為任職者之寵祇服休
命益勉厥勤

陳桷除起居舍人

朕慨念艱難以來士風不競媮薄之俗勝而馳騁進取
之習日滋故於用人尤慎厥典方將迪簡在位取其沉
厚之德靖恭之操以革斯弊而振起之惟爾文學之富
蚤擢殊科克勵才猷以蒙器使自歷中秘陟郎曹蓋二

紀於茲一時輩流咸見拔用迺獨退然不以屑意朕方嘉其有守而譽言日聞是用付爾史筆俾聯法從之班以職記注之事夫華要之選非獨為爾寵也欲使縉紳明識朕意知所趣向焉益勉厥修無負眷獎

邵溥瀘南沿邊安撫使兼知瀘州

朕宵衣旰食思濟多艱不敢一日輒忘疆場之事故選置師帥必惟賢能建威消萌用寬憂顧具官某奮由儒學允蹈古人輔以才猷表見當世念去禁途之久既嚴

召節之頒載考僉言宜膺煩使惟瀘川地接夷族控制西南朝廷藩翰得人為重今朕畀爾以中權之寵往殿厥服爾其深體德意慎守教條無以地僻俗陋而鄙夷之使夫並邊列城兵民咸又是為稱職尚勉之哉

趙起魏珍各轉一官

朕以驍將扞邊為日滋久來赴行闕有嘉勤勞矧其偏裨協忠國事遠勒部曲可無寵褒其叙進於武階庶有光於戎律往服休命尚勉圖功

張成憲除金部郎官宇文師瑗除駕部郎官

中臺六卿總治衆務郎為之屬其選甚高爾成憲才術之優見於已試爾師瑗縉紳之譽藹然有聞司珍駕曹宜以分命往其懋勉嗣有寵遷

景興宗轉三官換給告身

頃者秦蜀用師權在主將得以便宜行事謂爾有勞可賞且復會課當遷就進文階亦以久矣茲用錫爾贊書新厥寵命往其欽服尚勉圖功

劉子羽散官白州安置

朕暴兵露師經理秦蜀置將不善功潰於成由引用之
非人遂同惡以相濟誤國甚矣罪奚可逃具官某本屬
庸才乘於艱運謬竊逾涯之寵浸成妄作之凶方朝廷
倚重元戎聽幕府自擇叅佐首以儉佞贊其機謀昧攻
守之良圖恣剛愎以自用脅持上下莫敢誰何富平之
師一敗塗地既自恥於失策欲移咎於他人陰肆讒誣
濫行斬殺坐令將士卒至叛違迨嚴召以促還乃臥家

而自便觀其寡謀輕敵雖惡有所分至於慢上侵權則
咎將誰屬其以散秩往居遐荒尚堅循省之心毋負生
全之賜

程唐落職官觀

腦詞
同前

具官某材無寸長志欲大用專事權要寔加顯榮
謬為屬於戎昭曾靡遵於廟勝富平之舉朕甚悼焉以
諛佞濟輕脫之謀以殘忍成覆亡之禍生靈塗炭職汝
之由尚復何顏更臨藩翰覽彈章之來上知公意之弗

容其錫延閣之華往食真祠之祿是為寬典毋怠省愆
趙鼎加恩

朕日者昭事上帝大亨合宮秩將禮之文既荷三靈之
眷推慶成之澤爰疏百辟之恩矧乃洪儒為予近弼方
有資於同德其敢廢於舊章具官某才周而識明器遠
而用博忠嘉自奮屢陳經世之謀謇諤有聞獨著立朝
之節一自登於樞輔再分領於帥權坐申廟勝之威益
峻巖瞻之望肆加嚴召入贊於機衡正賴明謨用寬於

宵旰念縟儀之既舉宜慶賜之惟均亟命有司式敷異
數俾增封於爵號併申行於爰田夫尊賢顯功所以錫
便蕃之寵而憂邊思職尚宜圖康濟之方祇服訓言以
稱朕意

張穎劉彥適降官

持節一路以繩責郡吏部使者職也爾由選掄將漕廣
右而縣令貪墨乃置不問朝廷耳目之寄尚何賴焉貶
秩二等姑示薄懲往服寬恩勿忘念咎

趙進之轉官換給告身

川陝用師一時官吏付之元帥使以便宜黜陟蓋嘗謂
爾有功可錄進主兵團茲用更錫贊書新厥寵命往其
欽承圖報勿忘

潘長卿潘粹卿轉一官遷團練使

朕欽念泰陵在宥之德昭慈保護之功寔萬世永賴而
吳國諸子是為外孫備歷險艱來赴行闕此寵榮所宜
及也進官一等仍俾使名尚勉厥勤以副朕崇獎之意

周綱姜師仲除監察御史

士有卓然以氣節自立於世然後能有所為矧中朝執法之屬任國風憲以督察百吏為職則為官擇人非有立者不在茲選爾綱嘗任言責閱試已孚爾師仲行已直方見稱多士茲用並擢御史以舉六察之政考之公論匪為爾私往服訓言益堅所守

王綰除右司

中臺萬事之本天下之休戚繫焉方時多故詔勅文書

倍於疇昔雖以二三執政提其綱維至於左右周旋剖
決留事則責在其屬以爾燭理明而不惑遇事審而有
斷郎曹更踐閱歲滋多蔚有休聲達於朕聽茲用擢居
宰士以彌綸省闈往共厥職益務恪勤庶幾稱朕所以
屬任之意

呂聰問除吏部郎官張銖除考功郎官李元灑
除度支郎官

朕拔舉羣材以備官使惟時郎位其選甚高凡列職於

其間必考實於公論惟爾聰問名德之後文雅自將銖
才術兼優能治邦計元淪為屬憲府藹然有稱皆宜進
陟顯途是用各加褒擢往踐厥服益茂爾猷

蘇携除檢正

朕惟東西二省政事出焉中書揆而議之門下審而覆
之既以二三大臣任其責矣則又為之設屬以助其不
迨吾於是知檢正之職不可用非其人以爾氣稟粹溫
臨事敏達郎曹卿寺多所踐更比嘗命列司宗之貳而

議者謂爾相臣之子嗣德有耀朝廷政體生長見聞是宜更錫贊書擢此要地夫一日萬幾出納當否所繫重矣往祇厥服益究乃心

呂聽問除宗正少卿

堯慎九族周尚同姓千載之後協和輯睦之風可以想見朕甚慕之肆求時髦參典屬籍庶幾糾合之義無媿於古以爾名德之後儒學自將越在外服蔚有休譽比嘗召對便坐觀其論奏有合朕心擢亞伯臣公議惟允

惟昔宗寺圖牒於今僅存哀集闕遺以正昭穆親疎之序
則為爾職尚其勉之

陳桷除太常少卿

左右史記言動之實地聯禁近奉常長貳專禮樂之任
班秩甚高朕為官擇人各使效職攸司雖異易地則同
爾比由望實之孚入直螭陛乃以親聯宰輔引嫌自言
詢茲同朝重違其意擢亞卿列主吾曲臺夫以直筆叙
事之才而付之討論制作之事蓋優為也往服朕命益

究爾能

王居正除起舍人

唐制兩省屬皆可議朝廷事其責重矣而况左右載筆
記人主言動寔為異時法從之選式序在位尤難其人
惟爾問學淵源論議勁正昔嘗入直螭陛固以任職著
聞比自侯邦擢貳卿列會吾記注引嫌自言求稱厥官
茲用命爾易地以處夫奉常班秩雖峻而職清且近史
寔兼之往祇服於新恩益勉修於舊物

湯東野落職官祠

朕選建牧守外作翰藩有兵有民任責為重能悉心於
撫御庶少寬於顧憂具官某蚤以材能登於法從維揚
謀帥初謂得人當兵火瘡殘之餘付還定安集之政所
宜夙夜務稱厥職而乃坐糜歲月績效弗昭致使一方
滋弊尤甚宜黜隆名之寵往從祠館之游尚服寬恩毋
忘循省

吉俊補官換給告身

爾頃以武勇自奮從軍秦蜀主帥謂其有功補秩甚峻
錄名來上更名為真往服寵榮益思報效

宋孝先起復知揚州

維揚古都會控淮帶江綿地數千里厥今屏翰之寄視
他鎮為重兵火既息餘民出於塗炭凡厥師帥豈獨任
吾折衝禦侮之責而撫綏瘡痍朕心尤所深念以爾久
蒙器使中外踐更決滯務於都司贊深謀於督府皆有
聞焉朕思得疏通敏博之士經理淮甸爾雖以憂去職

義當奪情錫茲贊書往殿方面率勤儉以勸生業推恩
信以安衆心在爾勉之予不多訓

謝伋除祠部郎官温州主管神御

朕時巡東南欽惟宗廟未獲妥靈肆命有司奉祠於近
郡以爾冬官之屬敏肅而誠宜陟冰廳往以從事詩不
云乎溫恭朝夕執事有恪尚其勉之副予休享之意

曾紆降一官

朕分遣重兵宿屯要地惟時給餉責在漕臣爾才智聞

於一時何獨至此而不加勉使吾被堅之衆行有乏食之憂主帥以言良拂予聽貶秩一官姑示薄懲往服寬恩尚圖來效

程千秋起復知岳州

巴陵控引江湖居國上游兵火搶攘之後政失其經民未復業今欲外強屏藩內安流離貴在守臣其可不慎以爾富於才術嘗試為郡考其績效綽有能名茲用起從倚廬之中委以專城之寄奪情以義宜遵有國之常

規當官而行尚茂折衝之遠畧

郭師中轉刺史依前武功大夫換給告身

朕嗣承大統文武之士咸進厥官今既八年而帥司謂爾恩獨未及升刺舉之號以聞於朝是用更錫贊書載新寵命往其祗服思報所蒙

楊揆降官

朕惟淮楚與敵為鄰爾為守臣凡疆外之事義當專達乃不以聞違詔漏言皆汝之咎貶秩二等卿戒慢官益

勉所圖以補前失

徐俯除端明殿學士宮祠

憂勤圖治時方急於任賢左右近臣義豈容於去國念
有均勞之請欲高易退之風宜徇懇祈更全體貌具官
某氣節不撓辨論可觀蔚有譽於當時期力行於素志
起從疎遠亟聯從橐之華度越輩流遂陟樞庭之峻閱
時未久被遇非常庶觀整軍經武之謀折遐衝於萬里
抑賴同寅協恭之助圖大政於一堂顧屬任之方深曾

設施之未究奏章俄上引疾甚堅肆推從欲之仁曲示
優賢之禮殊庭厚祿秘殿隆名匪曰朕私用榮爾去或
出或處諒不替於憂時嘉謀嘉猷尚毋忘於告后

章傑除工部郎官

朕惟百工之事皆聖人作也述聖人制作之意考治百
工而使咸精其能是謂有司之職以爾才志明達風力
敏強將漕外臺蔚有休譽宜遂進登卽省屬於冬官以
修五材九範之法克恭朕命嗣有寵褒

彭玘贈吉州團練使

戰則死綏將帥之事也比年兵政不修望敵奔潰者十
常八九朕方整軍經武欲以激勵士氣有能披堅執銳
奮不顧生則褒崇之典其可後哉具官某資稟忠義志
推奸兇獨當喋血之鋒遽致隕身之禍有司具奏朕甚
痛之其正序於戎團庶追榮於幽壤魂爽如在尚克欽
承

華陽集卷七

欽定四庫全書

華陽集卷八

宋 張綱 撰

外制

馮養柴斌轉官換給

國家賞典藏在盟府有功則舉輕重隨之具官某素以
勇聞奮義不顧頃者秦蜀之役帥臣以便宜行事謂爾
勞能可錄超進武階具名於朝用新厥命恩則厚矣可
無報哉

郭興贈三官

朕以爾忠勇之資摧堅却敵視死不顧卒以身膏草野
良用嗟惻進官三等追錄爾勤亦以慰爾地下之望

趙思誠除中書舍人

朕惟人主有立政造事之勤而無論思之助則動或失
中有發號出令之信而無制作之文則行之不遠孰能
舉職宜圖舊人具官某秉德在躬克濟美於先世辭榮
求志嘗晦迹於明時頃自丘園推登禁路論事能識大

體抗強禦而不回代言真有古風見中和之自得去位
既久勞予所思其遂解於州麾俾亟還於詞掖朕方圖
回大業力濟中興蓋欲使朝廷凡幾微之事固有愆違
亦庶幾天下因播告之修識所好惡任責在爾將觀已
試之能服命惟新無負見知之意

范冲除宗正少卿

人主拔用賢能之士列在要途豈惟督責治功亦以率
勵風俗惟爾名臣之子才術有餘澹然無求士夫高仰

朕方惇叙皇族思欲追迹麟趾信厚之化而屬有攸藉
官宜擇人往列亞卿曰爾為可勉赴朕命以舉宗正之
職庶幾典刑視效於親睦之教有助焉

江公亮章傑倉部工部兩易其任

天下之務總於六卿選建諸郎分隸迺事爾公亮為司
庾掌粟入之藏以待邦用爾傑為司空掌五材九範之
法以率百工蓋版曹起部其屬雖不同至於委用則未
始或異兩易厥任出於至公往祇厥官毋替朕命

孫注轉官換給告身

朕嗣承大統澤流海內文武在服咸被寵光具官某奮
義戎行有年於此阻以道遠恩獨未及帥司既以便宜
升進武階具名來上俾更命渥載新爾榮往其欽承思
所以報

宋孝先降兩官

吏貪為殘害吾赤子爾為部使者坐視不問事發驗治
罪將奚逃黜官二等以為外臺不職之戒尚從寬典省

咎勿忘

种潛轉官換給告身

賞國之典藏在盟府出之無常輕重眡功具官某材勇
有聞熟於行陣秦蜀之後丕績顯然帥司既以便宜進
用爾橫列之峻具名來上用錫贊書往祇厥官益圖報
稱

曾楙轉官

舜典陟明雖九官猶不廢於考績周官詔爵更三歲則

大計於羣工眷予從索之聯宜舉邦彛之舊具官某性
資醞藉問學淵源在昔光明盛大之時則備獻納論思
之職眷遇甚渥踐揚居多自均逸於祠庭已屢更於歲
籥比觀會課於法當遷俾膺爵秩之崇用錫贊書之寵
往服朕命益茂爾猷

范同除祠部郎官吳次賓除刑部郎官

六卿之職各有攸司豈惟分舉治功亦以待異日華要
之選凡厥在服必取時髦以爾同學古有稽敏而練達

爾次賓效官惟謹多所踐更宜進陟於郎曹以佐吾宗
伯司寇之事往其率職嗣有寵褒

張順孟涓各轉右武大夫

國家置武功官等秩不一而橫列處其最高方時多艱
名器為重非有顯績不輕假人具官某勇聞一時出入
行陣嘗從大將却敵有功迨今累年而幕府具名來上
茲用錫爾贊書一新寵命以光戎壘以為眾士之勸往
其祇服圖報勿忘

巨振揚琳降官

朕於武勇之士錫以高爵厚祿答其勤勞至於干犯憲
禁亦未嘗赦具官某統率戎旅屬吾大將不自謹畏過
惡暴列幕府論奏願安所逃罪哉尚從輕比姑褫一官
服我寬恩勿忘省咎

常同除起居郎

朕惟天下士有以文學論議表見一時而風節不強不
足與有為也故凡拔用羣俊必先試以所難觀其遇事

卓然有立然後真之要地用能舉職厭服公言惟爾諒
直多聞深達世務頃自遠服擢居憲臺屢殫排擊之公
坐致奸邪之戢是為試可克協朕心茲用俾爾進直殿
坳記予言動且朕即位於今八年繫日之書缺焉未備
方選儒學之士緒正逸典若時記注寔與纂修爾其勉
舉厥官以謹書法庶使筆削之善有以副朕責成之意

范宗尹除資政殿大學士知温州

朕時巡東南方倚維藩之固選建牧守蓋先宿望之圖

惟予輔臣越在外服宜遂分於重寄用允穆於師言具
官某高明而有謀敏博而能斷亟際風雲之會蚤膺夢
卜之求若涉大川嘗歷艱難而求濟克勤小物每嘉弼
亮以輸忠自違機柄之煩久即祠庭之逸叔教去相不
悔既譽處之彌休申伯以作爾庸尚藩宣之是賴眷迺
永嘉之地寔當海道之衝下酌民言正資撫御徒得君
重少寬外憂其升秘殿之華往對分符之寵夫股肱舊
德固宜一體以宣勞而膏澤下流豈待暮年而報政勉

服休命克副眷懷

虞濬除檢正

朕惟東西二省政事出焉中書揆而議之門下審而覆之既以二三大臣任其重矣則又為之設屬每事稽考以助其不逮吾於是知檢正之職不可用非其人以爾敏秀而文多所踐更宣勞之著尤在都公茲用更錫贊書擢居要地夫一日二日萬幾是非當否所繫重矣往祇厥服益究乃心

晏敦復除左司

朕惟煩劇之務，刺裁必得其人。如庖丁解牛，技經肯綮，無難焉。則談笑之間，無餘事矣。惟爾奮由儒學，雅以才術著稱。佐吾銓曹，事至輒辦。茲用進爾宰屬，究其設施。夫詔條叢淆，吏胥出沒，不可不察也。服我訓言，往勤厥職。使夫游刃恢恢，然有餘地。則彌綸省闈之譽，何愧於古。

張崇轉右武大夫

國家置武功官等級不一而橫列處其最高方時多艱
名器為重非有顯績不輕假人具官某素以勇聞習於
行陣奮義不顧却敵有功宜升武秩之崇以勸用命之
士往其欽服思報勿忘

藍珪轉內侍省押班

朕惟宮庭之制則有司存奉出入起居之嚴申戒令糾
禁之事恪恭乃職必惟其人以爾材智自將有勞潛邸
慎密以謹克慕忠規宜進長於班聯用昭示於寵渥尚

思所報益勉厥勤

袁正功除直秘閣與郡

昔我仁祖嘗患羣臣欲進者多而求退者少以問宰相
王曾曾謂士人貪廉係時用舍惟朝廷抑奔競而崇靜
退則庶幾有難進之風朕讀寶訓至此未嘗不三復興
歎深念多故以來士風不勵正當遠稽前言以革流弊
之末今爾任吾宰屬方以治辦稱於一時乃忽慨然力
求補外嘉其趣尚義當勉從芸閣華資用為爾寵往臨

郡寄益茂厥修

顯應侯加封普惠侯

惟侯受職宅彼思靈大庇一方克有常享禱祈輒應達於聽聞增錫徽章以昭其寔朕命不易尚其欽哉

蒙光仲等加上柱國

遠處遐陬世懷忠順屬茲多故效節彌勤宜進勲階用昭褒寵往祇厥命永固邊陲

汪思恭除吏部郎官主管侍郎左選

丈部四選皆為劇曹而侍郎所掌七階之士尤號冗員
必擇通材以為之屬而佐其銓序惟爾昔嘗任此藹有
能名稽諸僉言宜還舊服往績已試之效用昭申命之
公夫二年居官十年待選自前世患之而今日益甚思
革其弊在爾勉焉

翟琮知壽春府

惟古壽春形勢甲於淮石數更禍亂瘡痍未復尚虞外
侮震驚吾民亟圖御衆之材往任干城之寄具官某明志

勇略聞於一時，厭難折衝，厥有成績。茲用分以符竹，俾臨要地。內則布宣德意，安集於流亡；外則震肅威名，綏靖於疆場。是為稱職，尚其勉之。

魏砥除殿中侍御史

朕推大公之心，闢衆正之路，以收集士類，圖維治功。其有勿協於極，敗常亂政，則責在御史府，以法彈治之。此風憲之任，所以取重一時。苟非其人，不在茲選。惟爾文學行藝，見推士林。頃自郎曹擢與六察，氣節勁正，凜然

可觀茲用進陟殿中專以排擊官邪為務夫明足以辨
是非之寔而勇足以行之則何事之不舉何舉之不當
哉往祇厥官毋虛朕意

黃叔教轉一官

操利柄以幹山海之藏付之成法收贏貲以佐邦國之
用責在有司既殫效職之勤宜舉懋功之典具官某才
周世務學嗣家風蚤升八座之班獨擅一時之譽以版
曹之餘暇兼筦權以宣勞調盈虛之時濬利源而無壅

考竒羨之入溢歲課以居多有嘉心計之良寔濟軍興之乏肆酬美績俾進文階時乃茂恩往其祇服

高士瑰除直秘閣

圖書之府芸閣在焉寓直其間皆一時馬秀是為朝廷清選爾以才術從軍有功昇此華資用為褒勸夫帥司便宜之舉所以昭示至公具名上聞宜新寵命往其祇服思報所蒙

宋萬年轉一官

時方用武正賴深謀有勞不酬何以為勸惟爾奮由儒術洞曉韜鈴從吾將臣參計軍事用抗強敵屢獲戰多宜加進秩之恩以示懋功之寵祇服朕命圖惟厥終

司寶梁嬌娘賜名從順轉郡夫人知尚書內省事

法天象之明用建中臺之制贊路朝之治尤嚴內省之司爰舉徽章式圖邦媛具官某飭躬端靜迪德惠和譽久著於宮闈靡聞私謁身服勤於婦職常佩忠規有嘉

淑慎之稱宜總綱維之政序之寵位錫以美名大疏湯
沐之封增重文昌之寄茲為異數率由至公其益懋於
厥官庶克諧於新命

紅霞帔呂六六轉掌記楊二奴轉掌聞

後庭衆治內職主之式序勞能具存舊典以爾祇勤宮
掖夙夜不遑進陟婦官用昭異數往共乃事思報勿忘
故宗樸改封惠王

昔我皇族當重熙累洽之辰並建輔藩倣畫野分疆之

制念閱時之既久致疇邑之相重度義不安改封為允
具官某躬秉一德寵遇累朝方神祖之御圖推嚴尊屬
以濮國之次子奄宅王封肆今遺烈之存尚想宗英之
盛眷予潛邸嘗胙晉康偶同壤地之名顧何嫌於異數
然以嗣孫之請欲自避於殊稱爰徹兩疆宜莫如惠以
羅浮之勝地易隧路之新榮一品彌崇尚矣加於儀物
九原未泯宜克享於徽章

趙思誠轉一官

朕以天官大計羣工之治惟時法從特循三歲之規迨稽闕以上聞即推恩而增秩具官某靜重有守諒直敢為持橐禁嚴居獲論思之助分符便郡寔資屏翰之良比載考於僉言方促加於嚴召適茲會課用進文階夫以積日較功雖由銓序至於褒賢錫寵豈限彝章勉圖厥勤以副朕意

華陽集卷八

欽定四庫全書

華陽集卷九

宋 張綱 撰

表

江東提刑謝到任表

臣某言伏奉勅命差臣權發遣前件差遣臣已於閏四月十七日到任交割職事訖惟良折獄初未熟於刑書為官擇人忽謬將於使指臣某誠惶誠懼頓首頓首伏念臣學無領略識不高明忝竊一官逡巡半世家懷

璞獨慚無寔而得名一一吹竽庸敢抱虛而求進三遷
中秘再直郎曹皆粗守於官箴迄無裨於國慮索長安
之米懼尸素足以危身掛神武之冠恐艱虞不當避事
偶叨除於鄉郡姑待次於親闈宸綉四更歲陽七換貧
窶方憂於家食歡呼忽奉於綸言就易鄰封便趨官次
四郊多壘曾無被堅執銳之勤一路觀風乃有攬轡登
車之適夫何孱陋忽此遭逢茲蓋伏遇皇帝陛下體乾
健之資撫離明之運求王道而急於先務用人才而不

以遐遺故雖樸櫟之微亦預澄清之選臣敢不夙夜率職審慎持心引古義以決疑自竭兒寬之學期有司之不犯用揚虞舜之仁冀獲微勞少酬洪造臣無任

肆赦謝表

臣某言今月九日准都進奏院遞到赦書一道臣已即時謝恩施行訖星文示戒深軫慮於淵衷聖澤推仁亟致祥於和氣歡呼既洽精稜遂通臣某誠惶誠懼頓首頓首頓首以天之垂象以見吉凶王者求端以考得失推

於彼而有合於此知謹告之甚明應以寔而不飭以文
顯靈承之敢後宜正厥事以孚於休恭惟皇帝陛下上
智膺圖中興撫運克謹嚴恭之畏靡忘宵旰之勤念國
步之多艱感乾文而彌懼推占小異爰興罪己之言肆
赦遂行大布及民之惠災已無驗國其有瘳臣敢不遵
奉十行頒宣一路釋刑罰之寃濫既逃失職之誅決恩
霈於龐洪庶廣好生之德臣無任

進天申節銀狀

右狀以長發開祥誕彌紀節仰祝後天之筭載修任土
之儀前件物掌以非人藏諸外府備充庭於後列表方
物以輸勤粹若乾剛允符九五之德式如王度願續祈
招之詩千冒宸嚴俯深戰汗

除給事中謝表

臣某言伏奉告命除臣給事中仍賜對衣金帶者平奏
東臺義豈容於冒處懇辭中詔命莫反於已行拜寵自
天措躬無地臣某誠惶誠懼頓首頓首伏念臣務學不

知師古居官無以踰人庸虛誤簡於淵衷叨昧並躋於華貫權自右史掌內掖之贊書列於從班陪外廷之末議但尸榮祿何補事功雙親闕奉於旨甘累奏具陳於悃悞丐從孝養未頒賜可之音過軫皇慈乃辱甄升之寵况封駁之重任寔詔令之所關爰資論議之公時正廟堂之失端欲稱職尤須擇人夫何甚陋之姿與此非常之選錫九環之寶帶身兼備乎服章拜青瑣之夕門地益親於禁密得逾所望慚甚於榮茲蓋伏遇皇帝陛

下性堯舜之聰明躬禹湯之勤儉大收衆俊協濟丕圖
官人盡棫樸之能咸歸有用代匱存管蒯之賤以責成
功致此不才亦叨非據臣敢不激昂晚節勉勵前修論
事不阿雖乏回天之力有言必告庶逃竊位之譏臣無
任

罷給事中提舉官觀謝表

臣某官伏奉告命為臣僚上言罷臣給事中差提舉江
州太平觀任便居住者彈章亟上敢意生全命縉寵頒

姑從黜免荷恩慈之曲貸弔形影以深慚臣某誠惶誠
懼頓首頓首伏念臣樸櫟常材浮沉半世深惟薄陋敢
有志於功名偶幸遭逢遂寢叨於榮祿與一時侍從之
選陪兩省論議之餘寵過所期報將奚稱雖夙宵黽勉
曾莫著於微勞而過惡暴揚忽自罹於深譴退量駑蹇
猥玷簡書適當艱棘之時上負明揚之意褫東臺之職
孤踪既遠於宸嚴從真館之遊百口尚需於廩稍顧官
閒而身佚知罪大而責輕茲蓋伏遇皇帝陛下蹈商周

之克寬躬漢高之大度總覽萬幾之要灼知三俊之心
憐臣迫於奉親屢請去而勿獲察臣忠以事上欲寡過
而未能時霽隆威但令省咎臣敢不洗滌心慮遵奉訓
辭在猷畝不忘益勵愛君之志保桑榆暮景更修行已
之方臣無任

揚楚兵退賀表

元惡逋誅敢稱兵而入寇王師壓壘俄不鼓而自奔土
疆復寧王威大振臣某誠歡誠忭頓首頓首竊以國家

多難妖孽乘時盜名字以欺天背恩不顧剝黎元而奉
敵依勢為強協成兇悖之謀公肆侵凌之侮大逆不道
從古罕聞固天地之靡容宜雷霆之赫怒上煩警蹕親
御師干既遣驍將以挫其鋒仍倚大江而固吾圉風聲
鶴唳驚震疊之餘威蜂聚蟻屯忽散亡而爭遁氛祲掃
滅境宇肅清復收蕩析之民大布撫綏之澤神人咸喜
宗社同休茲蓋伏遇皇帝陛下神武布昭睿謨廣運遠
稽世祖欲就昆陽禽敵之功追法真皇亟下景德親征

之詔撫戎旃於禁旅稟面筭以前驅志在蕩平務先持
重謂上策莫如自治唯深溝高壘之圖故不戰而屈人
兵得保勝全師之道臣身閒祠館望極丹墀外侮不庭
既却南侵之騎中原可復願歌北伐之詩

除徽猷閣待制謝表

臣某言臣昨任給事中以言章罷職差提舉江州太平
觀任便居住今月一日伏奉告命以明堂禮畢特蒙聖
恩授臣徽猷閣待制差遣賜如故尋具奏辭免尚書省

劄子奉聖旨不允臣已於二十一日望闕謝恩祇受訖
需雷雨而作解既蒙宥過之仁近日月而依光復冒隆
名之寵罪如山積恩自天回命下無所措躬感深至於
流涕臣某誠惶誠懼頓首頓首伏以臣學迂而陋性滯
且愚蚤塵俊造之科名浮於寔晚遇聖神之主用過其
材高華驟躡於周行清燕數叨於睿獎不量叨昧自致
顛躋念茲遲暮之年獨在譴訶之域上孤任使深愧平
生置散投閒方迫衰窮之苦滌瑕盪垢俄霑惠澤之施

頌之明綸寵以異數官不去家而與鴛鴦次對之列祿
足以飽而從香火奉祠之遊誰謂危蹤克膺殊眷茲蓋
伏遇皇帝陛下配天同德與物為春閔一夫之向隅開
三面以祝網謂嘗服御載收簪履之遺還畀恩光使畢
桑榆之景臣敢不欽承命渥益勵身修補剝息黔幸復
全於玷缺摩頂放踵當永誓於糜捐臣無任

紹興六年車駕巡幸起居表

臣某言臣恭聞車駕巡幸已進發至平江府暫駐清蹕

者親屈萬乘大巡六師天步載康皇威克振臣某誠歡
誠忭頓首頓首恭惟皇帝陛下纂承丕緒圖復中原虎
士雲屯將啓前茅之慮玉車雷動俯勤細柳之行昭聖
武於百蠻示恩威於諸將八神警蹕協豫順以乘時六
轡如琴仰乾行之應律臣職祠館班隔外庭效駕展軫
莫備驅塵之列望雲就日徒傾嚮闕之心臣無任

紹興六年冬至賀表

臣某言四序密移肇啓初陽之候萬方來賀備陳亞歲

之儀臣某誠歡誠忭頓首頓首恭惟皇帝陛下體道御
時配天立極黃鍾既應迎協氣以橫流清蹕所臨萃諸
福而畢至臣叨恩真館投迹窮鄉稱觴莫預於周班傾
藿徒存於魏闕臣無任

紹興七年元正賀表

臣某言清臺考厯統三朔以開元象魏布和詔萬民而
觀治臣某誠歡誠忭頓首頓首恭惟皇帝陛下乾符載
錫寶運重熙聿求王道之端克協人時之正四方來賀

既與物以為春萬壽無疆宜從天而難老臣叨恩法從
此迹真祠遙想駕鸞莫預周行之集並遊麋鹿惟均率
舞之歡臣無任

徽宗皇帝升遐慰表

臣某言臣伏讀詔書恭聞

云

禍降自天悲纏率土臣

某誠悲誠感頓首頓首恭惟皇帝陛下久居孝養遽宅
大憂哀慕無窮聖情難處願深思於付託宜少抑於悲
摧克合禮經以幸天下臣限以職任在外不獲奔詣闕

庭臣無任

紹興七年再任宮觀謝表

臣某言臣昨為宮觀任滿具奏陳乞再任續奉勅命候
今任滿日令再任臣已即時望闕謝恩祇受訖身閒竊
祿深愧罔功秩滿自言猥叨申命荷皇慈之曲被感危
涕之橫流臣某誠惶誠懼頓首頓首伏念臣蚤以凡庸
謬膺簡拔持紫荷之橐嘗獲近於清光拜青瑣之門寢
不容於公議過蒙全活姑聽罷歸復聯次對之班更畀

真祠之逸歲月易得俄見迫於終更貧病交攻妄欲仍於舊貫用傾危悃仰叩清衷方虞冒昧之干誅忽辱矜容而賜可職雖不改命寔維新得祿足以代耕益助庭闈之養有官而無課最第香火之緣揆厥所蒙其何以稱茲蓋伏遇皇帝陛下至神默運盛德兼容常以佚道而使人豈於匹夫而求備謂木卷曲而不中繩墨本自棄材知馬虺隤而難以馳驅忍令更駕俯聽就閒之請大推從欲之仁故使餘生亦均殊遇念此艱虞之際

獨居僥倖之多問舍求田詐敢即安於私計捐軀殞首
終期效死於他時庶竭微忠少酬洪造臣無任

紹興七年車駕駐驛建康起居表

臣某言臣恭聞車駕巡幸駐驛建康府者載移清蹕爰
宅近都萬騎天臨見上聖憂勤之至庶邦風動知中原
恢復之期臣某誠惶誠懼頓首頓首恭惟皇帝陛下神
武布昭睿謨濬發內修五禮稽虞舜之時巡外整六師
法周王之于邁用蠲穀旦聿臨大江不辭馬上之勞坐

得域中之勝紹復先王之大業與時偕行再會諸侯於東都指日可待臣奉祠有守扞牧靡遑浮天時而不懷徒誦盤庚之作居江海而何有唯存魏闕之思臣無任

丁父憂服闋從吉再任宮觀謝表

臣某言臣今月十七日伏奉勅命以臣前任左朝奉大夫充徽猷閣待制提舉江州太平觀緣丁父憂服闋從吉特蒙聖恩授臣依前官職改差提舉亳州明道宮任便居住臣已於當日望闕謝恩祇受訖釋三年之喪未

忘哀慕拜九重之命遽復官聯不自意其餘生尚仍叨
於舊寵危悰易感哀淚交流臣某誠惶誠懼頓首頓首
伏念臣稟生多艱於世寡合偶值中興之運誤膺上聖
之知頃自常僚擢升華貫遭時見用欲自効於孤忠當
官而行殆難堪於衆怒仰蒙聖度深諒愚誠俾聯次對
之榮退處真祠之逸方杜門而求志俄陟岵以纏哀甫
畢喪期絕無生理山塋路熟身從麋鹿之遊禁蘄天高
望絕鴛鴦之列豈伊朽質上軫洪慈俯矜荼毒之餘加

惠龍光之厚官不易舊命寔維新自視庸虛重慚忝冒
茲蓋伏遇皇帝陛下化育萬物允釐百工用人惟已而
不以遐遺以道觀能而各有攸處謂臣朴忠自信昔嘗入
侍於清先知臣病瘁可憐故特寵還於異數家食無事
功之責母慈足甘旨之歡天地隆恩固難圖於報謝桑
榆暮景徒求誓於糜捐臣無任

紹興十年明堂禮成賀表

臣某言臣恭聞九月十日明堂禮成大赦天下者大亨

合宮禮儀既備受釐宣室慶賜遂行臣某誠歡誠忭頓
首頓首竊以國有常經祀為大事稽九筵而定位莫尊
王者之堂間三歲以陳儀用極聖人之孝恭惟皇帝陞
下廣堯舜之仁義恭禹湯之勤儉道格皇天靡怠靈承
之志功歸烈聖聿修嚴配之儀彌文咸秩於舊章精意
克昭於大報神祇來饗福祿並膺逖惟萬邦之歡永賴
一人之慶臣叨官禁路竊食祠庭禮有執膺莫預駿奔
之列欣同擊壤徒深抃舞之情臣無任

華陽集卷九

欽定四庫全書

華陽集卷十

宋 張綱 撰

表

奉上皇太后冊寶賀表

臣某言臣恭聞十二月十二日奉上皇太后冊寶者詔
奉慈闈肇正母儀之位禮嚴寶冊聿彰聖孝之隆臣某
誠歡誠忭頓首頓首竊以聖人之德無大於事親天下
之尊莫先於顯號欽惟母后體順坤元立子生商上協

有娥之瑞維華續女遠同太姒之賢輔佐先朝儀刑內
壺眷大明之保佑宜長樂之推崇恭惟皇帝陛下明德
懋昭孝誠克篤暫阻慈顏之奉靡遑宸慮之安爰舉舊
章式隆徽稱因親教愛陶四海以深仁率土均歡尚一
人之有慶臣叨官邇列竊食外祠北面稱觴願走趨之
莫預東朝視膳指旦暮以為期臣無任

磨勘轉左朝散大夫謝表

臣某言今月十八日伏奉告命以臣磨勘蒙聖恩授左

朝散大夫依前充徽猷閣待制特封金壇縣開國男食
邑三百戶差遣賜如故臣已於當日望闕謝恩祇受訖
計日為勞方慚功令進官以叙忽奉贊書撫躬何以堪
任拜命莫知所措臣某誠惶誠懼頓首頓首伏念臣學
非博古智昧趣時早玷明揚犬馬未伸於報効中遭難
禍桑榆已迫於衰殘誤被聖知尚聯法從既竊祠庭之
祿復安里社之私毫髮無功敢累陟明之典絲綸假寵
遂偕增秩之科併錫戶封肇開爵邑顧便蕃之下逮豈

綿薄之能勝茲蓋伏遇皇帝陛下任賢使能立政造事
欲熙庶績遠稽三考之文式謹銓曹大計羣吏之治苟
未罹於罪咎咸獲被於褒陞有若孱庸獨多僥倖隆天
重地固莫喻於洪恩殞首捐軀誓不移於素節臣無任

紹興十二年再任宮觀謝表

臣某言臣昨為宮觀任滿陳乞再任續奉勅命候今任
滿日令再任臣已即時望闕謝恩祇受訖奉祠滿歲每
懷尸素之慚錫寵自天再遂安閒之請官不易舊得之

若驚臣某誠惶誠懼頓首頓首伏念臣頃以瑣材謬陪
法從勞能勿著罪戾彌深投閒已出於寬恩式序更躋
於邇列中遭家禍誰憐陟岵之悲甫畢喪期首拜循墻
之命既參華於內閣復叨祿於殊庭藏拙甚宜計功何
有坐移歲籥時遽迫於終更仰叩宸旒志欲仍於舊貫
敢圖洪造亟下俞音當桑榆遲暮之年荷天地隆寬之
德矜其樗散賜以龍光揆厥所蒙其何以稱茲蓋伏遇皇
帝陛下勵精庶政允釐百工道本曲成各隨材而因任

仁由博愛咸稱物以無私故於下愚特從所欲臣敢不恪遵義訓謹佩忠規羞神武之衣冠顧餘生未能報國夢長安之鐘鼓雖一息不敢忘君指心誓天捐軀有日臣無任

懿節皇后上僊慰表

臣某言臣今月一日恭聞大行皇后奄棄宮闈伏讀詔音殞越失次臣某誠悲誠感頓首頓首伏以大行皇后淑德懿行居順履中早正六宮佇徽音之內肅方迎重

翟俄訃問之北來遠暨寰區同深孺慕恭惟皇帝陛下
禮先宗事望隔坤儀願少抑於皇情庶克安於邦計臣
伏限職任在外不獲躬詣闕庭臣無任

皇太后還闕賀表

臣某言臣恭聞皇帝備法駕至臨平奉迎皇太后還宮
者馳使節以交鄰爰示一人之孝奉慈闈而返國式均
萬寓之歡光照冊書福及宗社臣某誠歡誠忭頓首頓
首竊以崇高莫大於富貴愛敬必盡於尊親故周武篤

生實本維莘之慶而漢文踐阼乃先薄后之迎禮雖備於前聞事莫難於今日恭惟皇帝陛下堯仁天覆舜孝日隆瞻望母儀極徽音之遠想焦勞聖慮思順事以解憂精誠既格於穹昊盟好果通於殊壤風雲萬里宇宙一心共寬陟此之思亟迓安輿之至駐臨平之法駕既展上儀奉長樂之慈顏即安大養盛德之事曠古所無臣竊祿祠庭叨官禁路東朝問膳想聞環珮之聲北面稱觴阻造駕鸞之列臣無任

紹興十三年冊立皇后賀表

臣某言伏覩制書恭聞冊立皇后禮成者天作之合禮
既備於宮闈王假有家化已行於寰宇一人襲慶萬世
蒙休臣某誠歡誠忭頓首頓首臣聞治道所先人倫為
大周南歸美於后德王化始基羲易正位於家人天下
自定坐致本支之茂適觀風俗之醇恭惟皇帝陛下性
體堯仁躬行舜孝念祖宗繼嗣之重稽天地合德之宜
奉承長樂之訓言聿嚴壺制參考永平之故事爰舉徽

章告虔昭格於璇宮錫命寵臨於寶冊在禮為稱於古
有光臣叨備從班獲聞盛典彤史之修內治方率職於
坤儀封人之祝多男佇迎祥於震索臣無任

紹興十三年郊祀禮成賀表

臣某言臣恭聞今月八日郊祀禮成大赦天下者秩彌
文而饗帝既藏上儀歛諸福以錫民亟敷大號時方日
至喜若春回臣某誠歡誠忭頓首頓首臣竊聞萬物皆
本於天繼天者必嚴於父事五經莫重於祭主祭者尤

謹於親郊允屬熙朝恪遵鉅典恭惟皇帝陛下聖由天
縱德以日新孝悌通於神明永奉東朝之養忠信行乎
蠻貊坐寬北顧之憂時和歲豐而百穀順成兵寢刑措
而四民休息丕顯中興之效比隆極治之時爰率舊章
聿修大報肇新寶輅嚴十乘萬騎之容謁款紫壇罄五
齊三酒之薦告成嘉祀翕受龐禧霈惠澤以旁流燭皇
明而四達盛德之事無疆惟休臣職忝外祠身違近宇
奉璋濟濟莫陪多士之班望闕葱葱均賴一人之慶臣

無任

紹興十四年再任宮觀謝表

臣某言臣昨為宮觀任滿陳乞再任續奉勅命候今任滿日令再任臣已即時望闕謝恩祇受訖官閒竊寵有負明時秩滿自言更叨申命仰荷優隆之眷益增尸素之慙臣某誠惶誠懼頓首頓首伏念臣家世寒微材能淺陋頃由聖擢驟陟禁嚴用乃過于所期功茂聞于有補奉身去國尚聯內閣之榮無事居家更食外祠之祿顧何

施於薄技敢自訴於終更方懼干誅忽蒙賜可俾遂桑
榆之計獲依閭里之安內省庸虛寔惟僥倖此蓋伏遇
皇帝陛下懋昭大德纂紹丕圖坐收太平之功默運無
為之化譬猶天地順萬物之自然故於臣工閔一夫之
不獲俯納由衷之懇肆推從欲之仁大造難名固無容
於報謝餘生未盡尚永誓於糜捐

磨勘轉左朝請大夫謝表

臣某言今月九日伏奉告命以臣磨勘蒙恩轉授左朝

請大夫依前充徽猷閣待制進封開國伯加食邑四百
戶臣於當日望闕謝恩祇受訖課最無稱方俟黜幽之
命綸音下逮遽頒進秩之恩得過所期悸不自定臣某
誠惶誠懼頓首頓首伏念臣生逢休運夙荷聖知問學
不工徒抱朴忠之志材能已試茂聞施設之方既謬職
於禁途更猥叨於祠館官閒身逸處已則優月要日成
計功何有苟道偷安之譴敢希式序之榮忽拜寵靈併
增爵邑攷循名責寔之政負尸祿素殮之慚豈伊庸虛

有此僥倖茲蓋伏遇皇帝陛下翕受九德允釐百工爰稽考績之文率循三歲寧失假人之器叙進一官有如樗散之微亦預階升之列臣敢不恭承眷渥益勵操修景迫桑榆顧餘生未能報國身居畎畝雖一日不敢忘君臣無任

紹興十五年正旦大朝會賀表

臣某言臣恭聞正旦大朝會應外任臣僚合進表稱賀者獻歲發春爰啓三微之序體元居正式嚴百辟之朝

惟稽古之上儀自中興而創見神人胥悅夷夏交歡臣
某誠歡誠忭頓首頓首臣聞時莫重於履端禮必先於
明分肇新寶曆布一歲之始和大開明堂會四方而來
賀豈惟正班爵之義蓋以隆當宁之尊屬在熙朝舉茲
曠典恭惟皇帝陛下緬稽天德順履乾行合三統於一
元既協夏時之正考六年於五服迺參周制之宜用詔
羣司具嚴備物玉帛盛塗山之會鼓鐘奏鈞天之和弁
會星陳拱千官於北極嵩呼雷動祝萬壽於南山躋茲

太平之文時乃盛德之事臣叨恩祠館謬職從班身滯
周南念莫陪於執戟心存魏闕恍若侍於凝旒臣無任
紹興十六年郊祀禮成賀表

臣某言臣恭聞今月十日郊祀禮成大赦天下者升禋泰
峙熙事告成旋蹕端闈恩書亟下繫一人之有慶合萬
國以均歡臣某誠歡誠忭頓首頓首竊觀祖宗以來咸
以祭祀為重考之昭代參厥禮經謂因天事天亘百王
而同軌故以聖繼聖率三歲而一郊垂裕後昆克遵舊

典恭惟皇帝陛下誕膺寶命纂紹丕圖治已格於敷天
不擅成功之美禮特隆於享帝是彰報本之誠申大號
以戒期詔司存而藏事具嚴法駕來羣后之駿奔欽若
昊穹秩明靈而裒對方茂凝於景貺遂敷錫於庶民迎
日之陽配天其澤用布積和之氣益昭明德之馨無疆
之休於斯為盛臣官叨近列職奉外祠祇薦一純莫預
豆邊之執燭明四極徒知葵藿之傾臣無任

丁母憂服闋從吉再任官觀謝表

臣某言今月二日伏奉勅命以臣前任左朝請大夫充
徽猷閣侍制提舉亳州明道宮緣丁母憂服闋從吉特
蒙聖恩授臣依前官職改差提舉江州太平興國宮任
便居住臣已於當日望闕謝恩祇受訖親喪外除餘哀
未息皇恩下逮舊寵維新衰殘曷稱於寵光感戴惟增
於雨泣臣某誠惶誠懼頓首頓首伏念臣學非考古仕
本為貧偶蒙聖哲之知擢與禁嚴之列方喜便私而求
志不圖昧祿以延災銜恤去官但苟延於視息變除終

制敢復望於恩榮忽詔命之俯臨叙班聯而如故惕然
拜賜恍若更生茲蓋伏遇皇帝陛下廣大配天照臨如
日惟恐一夫之不獲曲成萬物而無遺遂俾陋庸再叨
寵渥隆天厚地知大造之難酬鏤骨銘肌豈餘生之敢
愛臣無任

紹興十九年郊祀禮成賀表

臣某言臣恭聞今月十四日郊祀禮成大赦天下者三
歲而郊既備成於熙事一人有慶遂敷錫於庶民和氣


所加歡聲相屬臣某誠歡誠忭頓首頓首臣聞國重祀
典禮嚴事天自書契以來莫不舉彌文而咸秩唯聖王
在上乃能盡精意以感通考古所行於今為盛恭惟皇
帝陛下躬勤治道坐格時雍推大有尚賢之誠享既醉
太平之福爰思報本丕闡上儀備法駕之嚴恭仰奉一
純之荐恍神光之止集誕膺百順之歸嘉與黔黎並蒙
景貺恩書亟下霈澤旁流遠同六合之春增壽萬年之
英臣竊祿祠館叨榮從班目斷鴛鸞莫預駿奔之列身

同麋鹿但知率舞之勤臣無任

磨勘轉左朝議大夫謝表

臣某言臣今月二十六日伏奉告命以臣磨勘蒙恩轉授左朝議大夫依前充徽猷閣待制進封丹陽郡開國侯加食邑四百戶差遣使如故臣已於當日望闕謝恩祇受訖計三歲羣吏之治方懼黜幽奉一札十行之書遽叨進秩寵榮過望跼蹐靡容臣某誠惶誠懼頓首頓首伏念臣志不自強材無所取蚤誤膺於睿獎遂躡真

於華途試已無功尚玷西清之列坐而得祿更陪真館
之遊身獲家居官無吏責自視衰殘之久已慚干冒之
多敢意洪慈載加式序班聯既進爵邑更新欣蒲柳之
再榮竦閭闔而動色茲蓋伏遇皇帝陛下功高邃古治
格不平任賢使能皆量材而授職積日累月率會課而
遷官是謂殊恩均及朽質臣敢不祇承命縛遵奉官
箴造物無私固難施於報効事君有義自當誓於靡捐



華陽集卷十

欽定四庫全書

集部

華陽集卷十一至
四

詳校官庶吉士臣瑚圖禮

主事臣呂雲棟覆勘

總校官編修臣王燕緒

校對官主事臣陳文樞

謄錄監生臣宋學濂

欽定四庫全書

華陽集卷十一

宋 張綱 撰

表

紹興二十一年再任宮觀謝表

臣某言臣昨為宮觀將任滿陳乞再任今月十八日伏奉敕命候今任滿日再令任臣已即時望闕謝恩祇受訖奉祠苟祿歲滿何功從欲推仁詔令再任荷皇慈之優卹拊孤跡以增慙臣某誠惶誠懼頓首頓首伏念臣

賦材甚疎學古不博誤被聖神之選躡躋侍從之華坐
竊恩榮茂絲毫之報效空糜歲月覺氣血之耗衰靜惟
養拙之方亟上由衷之懇冒塵淵聽方大懼於嚴誅祇
受綸言乃再叨於舊物當桑榆之暮景獲閭里之安居
自省庸虛實為僥倖茲蓋伏遇皇帝陛下堯仁天覆湯
聖日躋體道觀能翕九德而咸事量材因任成庶政以
惟和故令樗散之姿亦玷龍光之施恩同造物雖欲報
而難名義有捐軀顧敢忘于永誓

紹興二十二年郊祀禮成賀表

臣某言臣恭聞今月十八日郊祀禮成大赦天下者上帝溥臨既備成于熙事庶邦丕享遂普浹于湛恩天人交泰夷夏呼舞臣某誠歡誠忭頓首頓首竊以有國之大饗帝為難得其位而得其時斯舉百王之典不欲疏而不欲數宜循三歲之規考古以來於今為盛恭惟皇帝陛下性堯舜之孝悌躬禹湯之儉勤地平天成坐致九功之叙兵寢刑措聿臻庶政之和治已格於丕平禮

必隆於大報夙嚴清蹕齋謁紫壇儼千乘萬騎之容惟
祇惟畏奉五齊三酒之薦是饗是宜瞻燿火之方升恍
雲車而來下神心允答聖度彌謙拜貺于郊靡擅一人
之慶配天其澤式均四海之歡臣身忝從班職拘遠服
奉璋就列莫階髦士之榮望闕馳誠但效華封之祝臣無任

除吏部侍郎謝表

臣某言臣伏奉告命除臣尚書吏部侍郎仍賜對衣金
帶者辭榮晚歲敢萌再仕之心召對嚴宸遂玷六卿之

貳恩加不次身若更生懇避莫回凌兢失措臣某誠惶
誠懼頓首頓首臣聞圖治以人材為急量材乃選部所
專注擬分於四時品流動以萬計故中臺列職雖率屬
以惟均而小宰一司視他曹為最要欲革滯留冗濫之
弊必求明敏練達之材而臣學陋無聞性迂寡合徒以
朴忠之守誤蒙聖哲之知蚤擢禁嚴茂聞績效半生去
國空驚齒髮之衰無路報君更懼風波之險逮引年而
得謝方謀食以偷安豈謂皇明曲垂簡恤起從田野頓

增朽質之華入覲冕旒欽奉玉音之訓俯憐久困復置
近班仍假寵於服章俾分權於銓綜退惟綿力何以當
能不圖晚遇之榮乃過初心之望此蓋伏遇皇帝陛下
聖由天縱心與神謀擴離照以並觀奮乾剛而獨斷散
羣壞植大開公正之門拔滯振淹促赴功名之會故雖
小物不以遐棄內省叨逾若何報稱臣謹當恭承明命
仰體眷懷激昂已退之心磨勵久荒之業桑榆晚景倘
幸駐於餘光駕蹇馳驅敢辭難于末路冀伸鄙志少答

洪慈臣無任

除兼侍講謝表

鴛蹇無堪復登于禁路龍光申錫沓至於旬時承命自
天措躬無地臣某誠惶誠懼頓首頓首臣竊觀睿主臨
御應期右文躬五帝之聖神臣皆莫及講六經之淵懿
義各有歸故微言每垂意於討論而淺識類難陪於清
燕在漢則有班張之博學于唐則推褚馬之多聞倘使
生於斯時尚恐莫能稱職矧如臣者何足道哉占一藝

而不精閱百年而向盡名從閒廢已叨不次之除敢以
空疎更冒最高之選顧懇辭而莫遂揣涯分以難勝關

除參知政事辭免表

臣某言臣伏蒙聖慈以臣辭免新除參知政事恩命特
降詔書不允者寵命過優非材莫稱忱辭上達聰聽未
回仰明詔之春溫撫危衷而夕惕臣某誠惶誠懼頓首
頓首伏念臣孤窮賤士遭遇四朝收之簪履棄遺之餘
試以銓衡煩劇之選勞能勿著幽黜是虞敢期收卹之

私更委難勝之任擢升廊廟進貳機衡顧茲政令出納
之間實賴左右謀謨之助而臣病隨年而日進心與力
以俱疲激濁揚清尚懼曠瘝於一職殫智竭慮安能參
贊于萬幾矧今公道之方行宜擇真材而為輔倘不量
其非分必自取于疾顛用干難犯之威再瀝由衷之懇
伏望皇帝陛下擴大明而旁照矜小器之易盈不難渙
汗之回俾遂謙撝之守庶于高位不至妨賢臣無任

除參知政事謝表

臣某言伏奉告命除臣參知政事尋具辭免伏蒙聖慈特降中使賜臣批荅不允仍斷來章者擢寘廟堂成命由於獨斷與聞機政謏材何以當能懇避莫回凌兢罔措臣某誠惶誠懼頓首頓首竊以朝廷之上治化為先崇建二府之官宥贊萬幾之事所以發號而施令正賴同寅而協恭非得偉材曷輔大業如臣者蚤緣末學謬竊賢科從仕四十三年歷官十有八任服膺道義空白首以無聞妄意功名幸丹心之猶在晚遇聖神特達之

眷召從閒退無聊之中俾貳銓曹進陪經幄吏員猥衆
持衡莫著于微勞聖學高明待席空慚于淺識方虞罷免
忽誤超遷位高躡進于羣工命下駭聞于衆聽以是古
俗儒而驟參國論以窮閭賤士而日近天顏載加品秩
之崇增賁服章之寵身所僥倖人莫比倫恩重命輕感
深涕隕此蓋伏遇皇帝陛下懋昭帝德統御乾綱導羣
心於公正之門措一世於光華之旦用人惟已靡先左
右之容以道觀能咸責事功之實知臣獲事三朝而未

懼大過察臣匪躬一節而特躋近班豈伊暮年有此榮
遇臣敢不祇承命綍恪守官箴非堯舜之道不陳用贊
明昌之運倘契稷之言有合敢忘謇諤之忠誓畢此生
仰酬洪造臣無任

賜生日生餼謝表

臣某言伏奉詔書以臣生日特降中使賜臣羊酒米麵
者門弧記日敢上達于聰聞詔綍宣恩乃忽叨於異數
光生閭里愧溢心顏臣某誠惶誠懼頓首頓首伏念臣

仕雖為貧才不逮衆導義方之往訓勉晚節以遭時誤
被眷知擢參機務千鍾後仕方興勿逮之悲初度錫名
載值始生之旦豈伊孤藐更辱殊私敕飭廩之豐儀兼
醇醪而飫賜惟大烹之養甚盛宜以與賢顧小人之腹
屬厭實為冒寵此蓋伏遇皇帝陛下道隆乾施德懋謙
光至誠俯逮於臣鄰厚意特將於臺餽必熟而薦獲伸
永慕之懷惟孝可移誓竭孤忠之報臣無任

除資政殿學士知婺州謝表

臣某言臣伏蒙聖恩除資政殿學士知婺州軍州事尋具辭免奉詔書不允已於今月十六日祇受告命仍賜對衣金帶者嬰疾祈間方憂冒犯叨榮過望惟極驚慚臣某誠惶誠懼頓首頓首伏念臣世出窮鄉生逢休運先帝賜臣以上第時見褒嘉陛下擢臣於從班屢膺器使第才疎而識暗兼分薄而命窮雖受丘山之恩茂聞毫髮之報逮迫暮齒猥參繁幾責愈重而任有勿勝疾益加而力難自勉尸祿既逃于深譴乞身更荷于軫憐

竊惟秘殿之華資本優舊德至若近畿之古郡宜付長材矧加命綍之榮仍貢身章之寵顧臣朽質何以能當茲蓋伏遇皇帝陛下大智燭幽深仁遍物謂臣服勞自舊未忘簪履之遺憫臣來日無多特借桑榆之景肆頒新命庸示殊私臣感極涕零言窮意拙陛辭有日尚期一望於堯天郡政久虛敢憚疾馳於周道臣無任

知婺州謝表

臣某言近准告命除臣資政殿學士知婺州軍州事臣

已於今月初二日到任交割職事訖貳政無功亟上祠
宮之請分符過望更叨秘殿之華拜命若驚臨民有愧
臣某誠惶誠懼頓首頓首伏念臣生逢休運晚遇聖知
擢自山林得謝之餘置諸廊廟弼諧之次顧庸虛不學
之質雖自竭於愚衷當睿知有臨之時亦何裨於大政
年益衰而告病位已過而將顛載陳知止之情乞身退
屏敢意均勞之典錫寵便蕃蒙聖諭頗惜於去朝謂精
力猶堪於共理迨辭天陛復遣王人親灑奎章軫念猥

加於被服申頒寶帶殊榮頓聳於觀瞻辱隆眷之非常
在近時而罕有矧茲星郡實輔日畿民皆服化而有遷
善輯睦之風路不當衝而免過客將迎之苦何暮年之
竊幸獲善地以偷安茲蓋伏遇皇帝陛下發揮聖神崇
廣德業攬萬務以當宁聚衆賓於本朝舉而用之不與
人而求備及其老也每從欲以推仁致此孤微亦容忝
冒臣夙遵宸命躬布藩條眷竊位之暮年善俗稔聞于
睿訓幸提封之千里承流敢後于他人庶幾桑榆之收

少答天地之造臣無任

進土貢羅狀

右狀以別九州而作貢蓋分任土之宜供十筭以充庭爰屆始裘之候非貴異物式舉彞章前件物本民事於蠶繅救女工之組麗實諸厥篚仰輸三服之勤掌在尚衣肅備九重之奉敢茲塵冒彌切震惶

賜歷日謝表

臣某言臣進奏院通到宣一道伏蒙聖恩恩賜臣紹興

二十八年統元萬年具注歷一軸臣已即時望闕謝恩
祇受訖者推策成書氣均調於四序授時協政恩首逮
於庶邦祇拜為榮奉行敢念臣某誠惶誠懼頓首頓首
恭惟皇帝陛下天臨廣宇春育羣生探蹟陰陽合乾行
之密度同文夷夏前民用以頒條臣謹當佩服聖謨恪
恭郡事仰日星霜露之變既獲考於常經順析因夷隩
之宜期功成於至化臣無任

再致仕謝表

臣某言近緣年老多病陳乞致仕今月十八日伏奉告命蒙恩特授臣左太中大夫依前充資政殿學士致仕臣已即時望闕謝恩祇受訖陳力不能屢上乞骸之請推仁從欲更叨增秩之恩身既返於田廬職尚聯於禁密始終厚遇朽質奚堪臣某誠惶誠懼頓首頓首臣聞禮存致仕之文國重憫勞之典乃法古優賢之遺意實人臣歸老之至榮苟非其人未免有愧如臣者起家寒賤遭世盛明受寵三朝效官四紀晚荷非常之眷召從

得謝之餘俾再仕於清時已為忝冒自貳卿而聞政更
極超踰上焉累世蒙休下則舉宗被澤速辭疾而去位
猶分符於善邦凡茲寵數之優隆皆過平生之分量報
未先於縻墮年遽迫於衰殘自知不補於公家豈敢坐
縻於稍廩是祈退屏以苟生存睿聽俯回既特從於至
懇官聯序進仍曲示於殊私顧終身無尺寸之伐可稱
而末路荷保全之恩如此慚顏莫寄感涕交流茲蓋伏
遇皇帝陛下博愛而行義之宜至誠而盡人之性知臣

朴直少無能而老亦何為察臣衰病心雖勤而力有不逮俯憐舊物特畀殘生息駕駕駘雖戀軒而無路懷忠獻畝猶結草以為期臣無任

紹興二十八年郊祀禮成賀表

臣某言臣恭聞今月二十三日郊祀禮成大赦天下者饗帝於郊咸蒙於祉福配天其澤鼓動於風雷凡厥有生罔不咸賴臣某誠歡誠忭頓首頓首臣聞禮之大者非聖莫行誠苟至焉雖幽可格允屬亨嘉之會克成孝

享之儀恭惟皇帝陛下體統乾之粹精擴大觀之中正
德功兼茂遠配五三六經之傳符瑞薦臻豈止數千百
所之盛肆昭大報丕叙彌文精意上昭百鬼迪嘗於嘉
薦明靈並貺三呼肅動於侍祠聿占滋至之休亟布維
新之令滌瑕蕩穢褒德賞功聿彰晏粲之風於緝會通
之典臣叨恩暮齒得謝窮鄉望初日於紫壇阻陪顙俊
接歡聲於白叟徒幸遭時臣無任

皇太后慶壽賀表

臣某言臣恭遇皇太后聖壽新歲八十皇帝陛下於宮
中行慶壽之禮特降詔書推恩天下者上儀肅備侈萬
壽於東朝溫詔俯頒浹多歡於率土矧是服乘之舊尤
深舞抃之情臣某誠歡誠抃頓首頓首竊以周紀太任
靡著年齡之永魯歌壽母茂聞位號之榮曷若熙朝兼
隆備福皇太后含光坤載育德聖躬長樂尊嚴極天下
之大養龜臺清淨得道家之長生鴻筭方隆綿區永賴
恭惟皇帝陛下仁同天覆恩厚母慈三朝不懈於雞鳴

務盡恪勤之禮萬歲允符于芝瑞聿彰孝友之誠屬歲
籥之更端奉寶觴而稱慶欲廣躋民之化爰推錫類之
恩眇古昔以創聞實邦家之盛事臣嘗叨近列久去聖
朝不謂餘生獲觀曠典退藏畎畝徒占南極之祥注想
慈寧阻奉蟠桃之獻臣無任

華陽集卷十一